



Nettverk av ressursjukepleiarar i kreftomsorg og lindrande behandling i Sogn og Fjordane

ARBEIDSAVTALE / FUNKSJONSBESKRIVING for Ressursjukepleiarar i kreftomsorg og lindrande behandling i Sogn og Fjordane.

Kreftforeninga seksjon Vest, Kompetansesenter lindrande behandling Helseregion Vest (KLB) og Kreftavdelinga, Helse Førde, har vore initiativtakarar til etablering av nettverk av ressursjukepleiarar i kreftomsorg og lindrande behandling i den offentlege helsetenesta i Sogn og Fjordane. Drifta av nettverket er no formalisert gjennom ”Delavtale om drift av nettverk av ressursjukepleiarar i kreftomsorg og lindrande behandling mellom Helse Førde og kommunane i Sogn og Fjordane”.

Ressursjukepleiarane og deira leiarar skal kjenne denne delavtalen.

Delavtalen er underordna rammeavtalen mellom Helse Førde og den einskilde kommune. I tillegg er delavtalen basert på følgjande sentrale grunnlagsdokument:

- Lover og forskrifter som regulerer spesialist- og kommunehelsetenesta
- Livshjelp. Behandling, pleie og omsorg for uhelbredelig syke og døende. NOU 1999:2
- Fra stykkevis til helt. En sammenhengende helsetjeneste. NOU 2005:3
- Regional kreftplan 2005-2010 Helse Vest.
- Kreftplan for Helse Førde 2002 –2007
- Standard for palliasjon (Den norske lægeforening 2004)
- Nasjonal strategi for kreftområdet 2006-2009. Helse- og omsorgsdepartementet 2006.
- Nasjonalt handlingsprogram med retningslinjer for palliasjon i kreftomsorgen. Sosial- og helsedirektoratet 2007, IS-1529 Nasjonale faglige retningslinjer
- Strategidokument 2008-2011. Kreftforeninga

Målet med nettverket av ressursjukepleiarar er å sikre kvalitet og kontinuitet i pleie- og omsorgstilbodet til kreftpasientar og pasientar med behov for lindrande behandling. Omsorgstilbodet skal også inkludere pårørande. Målet er at pasienten og familien skal oppleve god kvalitet, tryggleik og samhandling i alle nivå av helsetenesta.

Nettverket består av ressursjukepleiarar i kvar kommune/ sone, frå heimesjukepleien og/eller sjukeheim, og på kvar sjukehusavdeling (post) som behandlar kreftpasientar. Nettverket skal vera sentralt for å ivareta kontinuiteten i pleie- og omsorgstilbodet til kreftpasientane og for å spreie kompetanse om kreftomsorg og palliasjon i heile foretaksområdet.

Nettverket er organisert gjennom fire lokale nettverksgrupper. Kvar ressursjukepleiar er medlem i ei av nettverksgruppene.



Funksjon og ansvar for ressursjukepleiar:

- utvikle særleg kompetanse innan omsorg for pasientar med kreftsjukdom i alle fasar av sjukdomen
- saman med sin leiar utarbeide gode rutinar for oppfølging og pleie til kreftpasientar og pasientar med behov for palliativ behandling og terminal pleie
- saman med sin leiar innføre systematisk bruk av ESAS- kartlegging
- saman med sin leiar innføre bruk og oppfølging av individuell plan.
- saman med sin leiar etablere rutinar for samarbeid og samhandling som sikrar pasienten kontinuitet og samanheng i behandlingstilbodet (bruk av sjekklister ved overføring av pasientar, retningslinjer for bruk av open retur m.m.)
- ha oversikt over aktuelle pasientar i eiga sone / avdeling og pasienten sin fastlege / sjukeheimslege /pasientansvarleg lege
- saman med sin leiar etablere rutiner for samarbeid mellom pasientansvarleg lege/ fastlege/ sjukeheimslege og ressursjukepleiar
- informerast og konsulterast om desse pasientane av pasientansvarleg sjukepleiar / lege
- gje rettleiing og rådgjeving til kollegaer som er pasientansvarleg sjukepleiar
- ha oversikt over Helse Vest sine tilbod innan kurativ og palliativ kreftbehandling, samt rehabilitering
- saman med sin leiar lage rutinar for og drive intern undervisning som sikrar god kompetanse innanfor kreftomsorga, samt arbeide for at denne kompetansen også kjem andre pasientgrupper til gode
- delta på felles og lokale samlingar i nettverket
- gje melding til sin leiar og til styringsgruppa for nettverket i god tid når funksjonen vert avslutta eller ved permisjon.

Arbeidsgjevar forpliktar seg til å:

- bidra til at målsettinga for nettverket realiserast
- utnemne ressursjukepleiar i kreftomsorg på arbeidsplassen slik at funksjonen til ein kvar tid er ivareteken
- identifisere verksemda sitt behov for kompetanse innan kreftomsorg og lindrande behandling
- gje ressursjukepleiaren tid og ressursar til å utøve sin funksjon
- bidra til samarbeid mellom fastlege / sjukeheimslege, ressursjukepleiar og nettverket
- gje ressursjukepleiaren høve til å delta på aktuelle samlingar og kurs arrangert for nettverket, samt delta i hospiteringsprogram
- gje ressursjukepleiar permisjon med løn og dekke kostnader til reise og kurs- / seminaravgift til samlingar arrangert for nettverket.
- bidra til evaluering av avtalen
- delta i styrings- og driftsgruppa for nettverket

Revidert avtale gjeld inn til ein av partane ynskjer endring.

Dato:.....

Ressursjukepleiar

Leiar for ressursjukepleiar